



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonComercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

916

917

918

919

920

921

922

923

924

613

F-76

ՕՐԵԱՆԻ ՏԵՏՐԱԿԱՐ

Գ.

ՊԵՐՔՈՒԲԵԼԻԹԻՒ

Գ.

ԸԱԴՈՒՄ ՄԱՐԴՅ



ԳՈՐԾԱՐԱ ԶԱՐԳԱՐԱՆ
Կ.ՊՈԼԻԱ.ՍԱՒԼԻԹԱՆ-ՀԱՍԱՐ Ն: 12
(1871)

ՕԴՏԱԿԱՐ ՏԵՏՐԱԿԱՆԵՐ

Գ.

572

ՄԱՐԴԱԲԱՆՈՒԹԻՒՆ

ԳԱԹՐՖԱԺԻ ԳԱՂՂԻԱՑԻՈՑ

Գ.

ԾԱԳՈՒՄՆ ՄԱՐԴՈՑ

၁၂၃၈၂ ၁၂၃၈၃

၁၃

ကရာဇ်များ
ပြန်လည်ဖော်ပြန်

၁၃

များများ အပိုင်း

572
ար

ՄԱՐԴԱԲԱՆՈՒԹԻՒՆ

ԳԱԹՐՁԱՎԻ ԳԱԴԱՀԱՑԻՑ

Գ.

ԽԱԳՈՒՄՆ ՄԱՐԴՈՅ

ԹԱՐԴՄԱՆԵՅ

Ս. ՂՈԽԿԱՍԵԱՆ



Կ. - ՊՕԼԻՍ

Ի ԳՈՐԾԱՐԱՆԻ ԶԱՐԴԱՐԵԱՆ

(1871)

16143

552

କବିତାର୍ଥିମାନଙ୍କାର

ଶ୍ରୀକଳେଖାର ପଦାର୍ଥକାର

• ୫

ଅର୍ପଣା କବିତାର୍ଥି

ଶ୍ରୀକଳେଖାର

ପଦାର୍ଥକାର ୧

କବିତାର୍ଥି
ଶ୍ରୀକଳେଖାର

2835.57

୦.୧୦୯ - ୫

କବିତାର୍ଥିମାନଙ୍କାର
ପଦାର୍ଥକାର

ՄԱՐԴԱԲԱՆՈՒԹԻՒՆ

ԳԱՐԴՅԱԾԻ ԳԱՂՂԻԱՑԻՈՅ

Գ.

ԾԱԳՈՒՄՆ ՄԱՐԴՈՅ

Պարոնայք .

Այս արահո դալու ժամանակնիդ գիտեք
արդէն որ մարդուս վրայ պիտի խօսիմ: Թե-
քեւս ձեր մշջէն ումանք դիտեն նաեւ որ
մարդկային ազգի պատմութեան վրայ ար-
դէն երկու դասախոսութիւն եղաւ : և թէ
միտք ունիմ ույն նիւթին վրայ մէկ քանի
դասախոսութիւններ ալընելու : Մի զարմա-
նաք որ մարդաբանութեան ուսումը , ըստ
կարելոյն համառօտուելովն հանգերծ , մէկ
դասի մէջ չկրնար աւանդուիլ: Այսպիսի հե-
տազոտութեանց մէջ մտնելնուս պէս կը տես-
նենք որ խնդիրը բոլոր գործարանաւոր էա-
կաց կը վերաբերի : Մարդս ոչ միայն գետա-
նի տունկերէն , այլ նաեւս երկրին վրայ շար-
ժող բոլոր կենդանիներէն որչափ ալ գերա-
զանց էակ մը ըլլաց : անոնց ամենուն պէս
գործարանաւոր և կենդանի է : Այս պատ-
ճառաւ գործարանաւորութեան և կենաց
ամենն օրէնքներուն ենթարկուած է նա: Խոր
մարմնովը մարդս անաստան մ'է , ոչ աւելի ոչ

պակաս , հետեւարար անասնոց վրայ իշխող
բոլոր օրէնքները անոր վրայ ալ կիշխեն :
Ահա այս պատճառաւ է որ , ուղղակի կեր-
պով մարդուս վրայ ըրած հետազօտութիւն-
ներնուս մէջ երբ անլուծանելի դժուարու-
թիւն մը ենէ , անուղղակի հետազօտութեան
մը դիմելու ենք , այսինքն , այն առեն ոչ
միայն կենդանաբանութեան , այլ նաև ու-
բուսաբանութեան դիմելու ենք որպէս զի
ասոնց մեզի ուսուցած բաներէն կարենանք
մարդուս համար հետեւութիւններ հանել :

Անշուշտ այս եղանակն է միայն որ գիտ-
նական է , որ մինչեւ ցարդ առաջնորդ եւ-
ղած է մեղ : և որուն միշտ հաւատարիմ պի-
տի մնանք :

Նախ և առաջ հոս արդէն քննած և լու-
ծած խնդիրներնիս հարեւանցի կերպով մը
յիշենք :

Մեր ձեռք առած առաջին խնդիրը ինքա-
նին ամբողջ նիստ մը դրաւեց : Սա հարցումը
ըրինք թէ մարդկային մէջի տեսակ միայն ,
թէ բազում տեսակներ կան : Եզրակացու-
թիւննիս սա եղաւ թէ «մարդկային տեսակը
մէկ հատիկ է» : Բնախաօսութեան դիմելով
իմացանք որ մարդկային այլ և այլ խռոմեւ-
րուն ներկայացուցած փոփոխութեանց և զա-
նազանութեանց հակառակ , ամենուրէք մար-
դիկ մարդ կը մնան , ինչպէս շուները շուն :

եղները եղ, ծիերը ծի, ևայլն, կը մնան ինչ
տարբերութիւններ որ ալ ունենան հասակի,
դոյնի, համեմատութեան, և այլն, կողմանէր
Այս յիշած խնդիրս հիմնական խնդիր
մէ՛ք, վասն զի ասոր տրուած այս կերպ կամ
այն կերպ լուծման համեմատ ուրիշ խելմը
խստ կարեւոր խնդիրներ կելնեն դիմացնիս

Մեր երկրորդ դասախոսութեան մէջ այս
խնդրոց մէկ քանիովը գրաղեցանք որոնք ըստ
մեծի մասին նախորդ խնդրոյն հետ յարաւ
բերութիւն ունին, բայց կարձառօտ կերպով
քննեցինք զանոնք :

Նախ և առաջ հարցուցինք թէ մարդիկ
ո՞ր ժամանակ երեւեցան երկրիս վրայ : Նոր
զիւտերէ առաջնորդուելով կրցանք այս հարց
ման պատասխան մը տալ, թէպէտ և այս
խնդիրս դեռ քիչ ատեն առաջ անլուծանելի
համարուած էր : Կրցանք հաստատել թէ
մարդս Գաղղիոյ մէջ և Բարիզի շրջակաները
փիղերու և ոնդեղիւրներու ժամանակ կապա-
րէր, և թէ հետեւաբար իրօք կայ «փորա-
գիւտ մարդ» որուն դոյութիւնը հազիւ ասկէ
մինչեւ տասուերկու կամ տասն և հինգ տարի
առաջ աշխարհիս գրէթէ բոլոր գետուններէն
ժխտուած էր :

Յետոյ սա հարցումը ըրինք թէ մարդ
կային ազգը այսօր իւր գտնուած զանազան
տեղերուն մէջ մէկ ժամանակի մէջ միան-

գամայն եթէ ոչ հետզիետէ երեւեցաւ : Առ
հասնոց և բռւսականաց վրայ եղած հետազօտ
փութիւններէն ասլացոյցներ քաղելով և այս
անգամ ոչ թէ բնախօսութեան այլ աշխարհ
հադրութեան դիմելով, եզրակացուցինք թէ
մարդս երկրագունտիս մէկ կէտին վրայ մի-
այն երեւեցած է , և այն կէտն ալ խիստ ան-
ձուկ սահման մը ունէր երկրիս վրայ :

Կրցանք նաեւ աւելի հեռուն երթալ , և
առանց հարկ եղած ասլացոյցները երկարօրէն
մէջ բերելու , յաջողեցանք կարի հաւանական
կերպով մը նշանակել այն մենաշնորհ վայրը
յորում ծնունդ առաւ այն մարդկային աղջը
որ յետոյ ցրուեցաւ և տիրապետեց ամեւ-
նուրէք . վերջապէս կրցանք ցուցնել թէ ըստ
ամենայն հաւանականութեանց մարդկային
ստեղծման կեդրոնը Ասիոյ մէջ տեղերն էր և

Մարդուս երկրիս մէկ մասնաւոր կէտին
վրայ յերեւան գալէն և այսօր ալ ամեն տեղ
գտնուելոն կը հետեւի որ նա հարկադրուեր
է երկրիս ամեն կողմը երթալ , իւր նախնա-
կան հայրենիքէն գաղթել և հասնիլ մինչեւ
իւր այսօրուան գտնուած տեղերը : Մարդկա-
յին տեսակաց բազմաւորութեան կողմնակից-
ները , այսինքն բազմասեսակեանք այս գաղ-
թականութեանց դժուարութիւնները չափէն
աւելի մեծցուցած էին և ասիկա իրենց ա-
ռարկութիւն մը ըրած էին միատեսակեանց

զարդապետութեանը դէմ։ Այս առարկան
թեան իրը հերքում բաւական համարեցանք
Խալբուխներուն գաղթականութիւնը և Բօս
լինէվիացւոց ճանապարհորդութիւնները մէջ
բերել։ Այս երկու օրինակներէն աղէկ կը
տեսնուի որ մեր օրերն անգամ ամենադժուար
պայմաններու մէջ սկսուած գաղթականու
թիւնները կրցան յաջողութեամբ իրենց նպաս
տակին հասնիլ։

Ա երջապէս մարդկային ազգը իւր ծնունդը
առած տեղին ելնելով մինչեւ այսօրուան
բնակած տեղերը ըրած անբաւ ճանապար-
հորդութեանը մէջ ապրելու համար կարելի
եղած բոլոր պայմաններուն հանդիպեցաւ։
Պէտք եղաւ որ ամեն տեղի կլիմային ընտե-
լանայ և թէ՛ բեւեռներուն ցրտութեան և
թէ՛ արեւադարձներուն հրաշունչ հովերուն
ինքինքը յարմարցնէ։

Գաղթականութեանց կարելիութեանը պէս
կլիմայափոխութեան կարելիութիւնն ալ զիոր-
ձով իմացուեցաւ։ Օրինակներով ցոյց տուինք
նաեւս որ կլիմայափոխութեան դժուարու-
թիւնները չափազանցօրէն ցուցուած էր, և
թէ ։ եթէ ցեղի մը բնակութեան տեղի կլի-
մայէն խիստ տարբեր տեղի մը մէջ ըլլալիք
կլիմայափոխութիւն մը անհատներու և մինչ-
եւ անգամ սերունդներու զոհողութիւններ
կը պահանջէ, այսու համդերձ սա ստոյգ է

որ ժամանակէ մը ետեւ բոլորովին ներհակ
կիմաներու մէջ, իրարմէ բոլորովին տարրեր
ցեղեր կրնան անոնց (կիմայ) ընտելանալով
թնակիլ և երջանիկ ըլլալ : Ասոր այսպէս ըլ-
լալուն ձէ զայիրը նոր և զարմանալի օրինակ
մ'է : Բայց մենք ուրիշ օրինակներ ալ մէջ
բերինք որոնց մէկովը կրցանք ծանր բայց
շատ անգամ ուշադրութեան չառնուած կէտի
մը վրայ խօսիլ, այս կէտս է բարոյական ա-
ռողջութեան անձնական առողջութեան վրայ
ունեցած ազդեցութիւնը :

Ահա ասոնք են, Պարոնայք մարդուս
պատմութեան վերաբերեալ այն կէտերը զորս
արդէն քննեցինք հոս :

Այսօր ձեռք պիտի առնունք այնպիսի
խնդիր մը զոր յուղած են ոչ միայն ամենէն
քաղաքակրթեալ ազգերը այլ մինչեւ անգամ
ամենէն անկիրթ ժողովուրդները, վասն զի
այս խնդիրս մարդուս հետ կարի սերտ կա-
պակցութիւն մը ունի : Այս խնդիրս է: Ուսա-
կից եկած է մարդս : Ի՞նչպէս երեւցաւ նա
երկրիս վրայ : Ի՞նչպէս կըլլայ որ այնչափ
ժամանակներ, որոնց տեւողութեան չափը
կարելի չէ գիտնալ երկրիս վրայ բնաւ մար-
դու հետք չտեսնուիր, և ուրիշ ժամանակ-
ներու մէջ ամենուրէք կը դանուի նա: Դարձ
եալ կըսեմ այս խնդիրը ամեն ժամանակ
յուղուեցաւ . ամենէն վայրենի ժողովուրդ»

ները և ամենէն լուսաւորեալ ազգերը զբա-
ղեցան անով : Բայց միշտ յանուն վարդա-
պետութեան և կրօնից պատասխան տրուե-
ցաւ այս խնդրոյս : Բայց մենք արդեւք
դրինք մեղ որ երբէք չմտնենք այս սահմանը :

Գիտուններն ալ յուզեցին այս խնդիրը :
և լոկ դիտութեան մատակարարած ապա-
ցուցական եղանակներով լուծել փորձեցին
զայն : Ասոնք կրցա՞ն յաջողիլ : Ուանց վա-
րանելու կը սպատասխանեմ թէ ո՞չ : Ասոնց
չկրնալ յաջողելուն պատճառը կարծեմ,
պիտի կրնաք առանց դժուարութեան հաս-
կընալ :

Նախ իւր պարզ և ընդհանուր վիճակի
մէջ ձեռք առնունք այս խնդիրը : Վասն զի
ուրիշ անգամներու պէս , այս անգամ ալ
չենք կրնար առանց օրինաւորութենէն շե-
ղելու մարդս միւս բոլոր գործարանաւոր
և կենդանի արարածներին անջատել :

Բուսականաց , կենդանեաց և մարդուս
յաջորդական կերպով երկրիս վրայ երե-
ւումը եղելութիւն մ'է : Ոյս բանս հաս-
տատուած է երկրաբանական գիւտերով ,
որոնց ջնորհիւ կրնանք պնդել թէ եղած է
ժամանակ մը յորում բնաւ գործարանաւոր
էակ մը չեր կրնար ապրիլ երկրագունտիս
վրայ թէ եղաւ նուագ մը յորում բուսական-
ներ և ինչ ինչ կենդանիներ կրնային բնակիլ

երկրիս վրայ, թէ յետոյ երկրագունաս այն
պիսի վիճակի մը մէջ անցաւ որ թռչուններ
ըլ, անտառները և մարդս կրցան յերեւան
դալ : Ասոնք ի՞նչպէս երեւեցան մի զիրոյ
կնի երկրիս վրայ: Ո՞ւսկից կուգան այն էակ-
ները որոնք երբեմն յանկարծակի կերեւին
այնպիսի տեղ մը ուր յառաջագոյն իրենց
նման բան մը չկար :

Դարձեալ կ'ըսեմ, գէթ մինչեւ շարդ
այս խնդիրները անլուծելի են: Բոլոր այս
գործարանաւոր և կենդանի էսկիները եկած
կը գտնենք . և եթէ ասոնց բազմանալը կը
տեսնենք, այս ալ միշտ ծննդական ճամբով
է: Ասոնք միշտ հայր մը և մայր մը ունին:
Բայց առաջին հօրը և առաջին մօրը ինչպէս
յերեւան դալը երբէք տեսած չենք: Ուստի
անոնց ի՞նչ կերպով գոյացած ըլլալը չենք
զիտեր + կամթէ, սանկ ըսեմ ձեզ, արդ-
եօք անոնց ծագումէն առաջ կամ ծագում
առած միջոցին ի՞նչ գինումէններ՝ պատա-
հցան: Այն գինումէնները, այն միջոցները
որոնք էակի մը կամ մարմոյ մը գոյութիւնը
կը պահպանեն, այն էակը կամ այն մար-
մինը արտադրող գինումէններէն, միջոցնե-
րէն շատ տարբեր են: Կենդանեաց և բու-

* Ջէնօմէն (ρήενομόνε) կը նշանակէ ար-
տաքրոյ կարգի երեւոյթ մը: բան մը :

սոց գոյութիւնը յառաջ բերող ֆէնօմէններ բը զանոնք կենդանի պահող ֆէնօմէններէն բոլրովին տարրեր բաներ եղած են անշուշտ

Սակաւ ինչ վերացականօրէն խօսելովս թերեւս ձեր մէջէն ոմանք չկրցան ըստծան ներս ըմբռնել . այս պատճառաւ ահա օրին նակ մը տամ ձեզ :

Ո՞նչուշտ մէջերնիդ ժամագործներ , մեր քենագործներ կը գտնուին , ամենքդ ալ ՚ի հարկէ , երկաթէ կտմ պողպատէ գործիւններ կը գործածէք : Արդ դիտնալու էք որ կրնայ մէկը իւր ձեռքի ժամացոյցին ինչ ըլլալը կատարելապէս հասկնալ , զայն աւրեւլու , անիւներուն ամենասիաքր սբակասութիւնն ալ տեսնելու , դայն մաքրելու , նոր ցընելու կարող ըլլալ և ամենեւին շգիտնալ թէ ժամացոյցին մէջի մետաղները ուրկէ եւլած են , թէ անիւները ինչպէս շինուած են : Նա մանաւանդ որչափ ալ զննենք ժաման ցոյցը չենք կրնար հասկնալ թէ անոր մէջ գանուող մետաղները ինչպէս համուած են գետնեն , ինչպէս մերթ քարի , մերթ տեսակ մը հողի նմանող նիւթ մը կարելի եղերէ մետաղ ըստւած բանին փոխակերպել : Ի՞նչ հեռուն կերթանք , եթէ զանազան մետաղները իրար խառնող գործարանի մը մէջ չէք աշխատեր , չէք կրնար դիտնալ թէ ինչպէս երկաթք պողպատէ (չէմիք) կը վո-

խեն, ի՞նչպէս ջուր բառած քանը երկաթին
կուտան : Հետեւաբար, ժամագործը, քանի
որ ուրիշ տեղ չէ դիմեր սորվելու համար
չկրնար գիտեալ թէ բոլոր ժամացոյցը շարժ-
ման մէջ դնող մեծ զսպանակը ի՞նչպէս
շնուած է :

Երբ իսնդիրը բուսականաց, կենդանեաց,
այսինքն բոլոր գործարանաւոր էակաց վրայ
է, ժամագործութենէ զատ ուրիշ բան չդիմ-
ցող ժամագործին կը նմանինք . բաել կու-
գեմ թէ անգամազննական և բնախօսական
տեսութեամբ կրնանք տնկոց կենդանեաց և
մարդուս վրայ հետազոտել, անոնց գործա-
րանները (organe) ձանաչել, և պաշտօններ-
նուն խելամուտ ըլլալ, բայց մեր բոլոր այս
հետազոտութեանցը մէջ չենք կրնար գիտ-
նալ թէ ինչպէս այս մանուածոյ և սքանչելի
մեքենաները ծնունդ առած են : Միայն իւր
ժամացոյցներէն հասկցող ժամագործին վի-
ճակին մէջ կը գտնուինք . և դժբաղդարար
տակաւին չգտանք այնպիսի դպրոց մը ուր
երթալով կարենայինք ժամագործին և մեքե-
նագործին Սրուեստից Թանգարանը* երթա-
լով սորվածին համազօր բանը սորվիլ :

* Թանգարան արուեստից (Conservatoire des arts et métiers) Բարիզի մէջ հասարակա-
յին հաստատութիւն մ'է ուր կը դտնուին

Դարձեալ կ'ըսեմ, տակաւին ոչ ոք գործարանաւոր է ակի մը առաջին անգամ գոյանալը տեսած չէ : Ակնածելի և խիստ բարեմիտ անձինք կարծեցին թէ կրցան ամեն ժարմիններէ գործարանաւոր է ակներ ։ բոյաներ և մանրադիտական կենդանիներ արտադրեցնել : Ասոնք են «ինքնագոյ ծնունդք» ըսուածները : Բայց քանի անգամ որ այս անձանց ըրած փորձերը կրկնուեցան, բոլորտիքնիւս անդադար ծածանող սերմանց ներածութիւննը արգիլելու համար հարկ եղած զգուշութիւնները ընելով, տեսնուեցաւ որ այս անձինքը խարուած էին, այսպէս եղած ըլլալը կրնանք պնդել խապառ ։ Վասն զիդեռ քիչ առեն տռաջ այս խնդիրը նորէն յուզուեցաւ : Միւս անգամ եւս ինքնագոյ ծնունդ (ինքնագոյութիւն) ըսուած բանը անհերքելի առաջոյցներով հաստատուած կերեւէր արտաքուստ, սակայն դարձեալ իւր պարշտապաններուն համալիմաննը պատճառ եղող կարծեցեալ փաստերուն սխալ բաներ եղած ըլլալը առաջուցուեցաւ :

Արդ համարձակօրէն և առանց մեզի ամօթ համարելու ըսենք որ տակաւին չենք գիտուեստից մէջ գործածուած բոլոր մեքենաներու և գործիքներու օրինակները :

տեր թէ ի՞նչպէս գործարանաւոր է ակները
ծագում առած են երկրագունդիս վրայ։

Պարոնայք, յանուն գիտութեան այս ան-
կարողութեան խոստովանութիւնը ընելու չեմ
Երկնչիր։ Մի՛ վստահիք այն անձանց վրայ
որոնք ամեն բան մեկնել կը կարծեն։ ընդ-
հանրապէս այնպիսին երն են բան չգիտցող-
ները։ Իրօք գիտուն եղող անձ մը չվարանիր
ըսելու, — չեմ գիտեր։ — Ես ալ ձեզի այս-
պէս ըսելու պարտաւորեալ եմ հիմա։

Արդ, Պարոնայք, գիտութիւնը մարդուն
ուրկէ գալը չկրնար իմացնել ձեզ բայց ուրկէ
չեկած ըլլալը կրնայ ըսել։ Արդէն սա իսկ
բաւական բան մ' է որ նա (գիտութիւնը)
կրնայ ստուգութեամբ գատել այն կարծեաց
մէկքանիները որոնք, մարդուս երկրիս վրայ
ինչպէս եկած ըլլալը բացատրելու մտօք, յա-
նուն գիտութեան արտայայտուեցան։

Այս կարծիքները կամ ենթադրութիւնները
իրարմէ շատ զանազանող բաներ են, բայց
ասոնց մեծ մասը ընդհանուր գաղափարի մը կը
վերաբերի, այսինքն թէ մարդս ուրիշ բան չէ
բայց եթէ փոփոխութիւն կրած և կատարելա-
գործուած կենդանի (անասուն) մը, թէ նա իր-
մէ առաջ երկրիս վրայ գտնուող կենդանիներէ
ուերեալէ փոխաճեւութեան ճամբով։ Մասնա-
ւորապէս այս վերջին ժամանակներու ըսողներ
եղան թէ մարդս բարւոքեալ կապիկ մ' է։

Ահաւասիկ աչքերնուգ առջեւ կը դնեմ
մարդու գլուխներ . և մարդակերակ անուան-
եալ ղանազան տեսակ կապիկներու գլուխ-
ներ , ասոնց մարդակերակ ըսուելուն պատ-
ճառը սա է որ ինչ ինչ մասերու մէջ ուրիշ
կտպիկներէ աւելի կը նմանին մեզ : Պարզ
ակնարկով մը և միայն մարմնոյն ամենակա-
րեւոր մասը այսինքն գլուխը նկատողու-
թեան առնելով դուք ինքնին կրնաք դա-
տել թէ փոխածեւութիւնները չափազան-
ցօրէն մեծ եղած ըլլալու են :

Ինչ և իցէ , այս կարծիքը որ այլազան
ձեւերու տակ վերստին երեւան ելաւ , նոր
բան մը չէ : Ի վաղուց հետէ մարդու իւր ինչ
ըլլալը կենդանեաց միջոցաւ համկնալ ու-
զած է : Մինչեւ անդամ վայրենի ժողովրդոց
խիստ շատերուն մէջ ալ կը գտնուի այս կար-
ծիքը : Այս ժողովրդոց պատմութիւնը ընե-
լու ժամանակին պիտի տեսնենք որ ասոնց-
մէ ոմանք կը կարծեն թէ արջէն , կուզբէն
(գունտուղ) և յառաջ եկած են , ոմանք
ալ կապիկն սերեալ կը համարին զիրենք : Այս
ժողովրդոց մէջ կան նաև այնպիսիներ որոնք
Օռանկութան ըսուած կապիկները իրենց
եղբայր կը համարին և կը կարծեն թէ այս կա-
պիկները անոր համար ըսու կը կենան և չեն
խօսիր որ չըլլաց թէ զիրենք աշխատցնեն :
Նայրեննեաց մէջ այս կարծեաց պատճառ-

Ները ծուռ մեկնուած և բռւն խմասոր կոր-
առած աւանդութիւններն են : Խսկ մեր
մէջ , անասնական տեսակի մը փոխաձեւու-
թեամբը մարդուս դոյցուումը յանուն դի-
տութեան ոլովուեցաւ : Թէպէտ Յոյն փի-
լիսովիաներէն ումանց դրուածոց մէջ այս
կարծեաց հետքնը կը նշմարուին , բայց այս
նոր առենններս է որ այս կարծիքը պարզա-
պէս ձեւակերպեցաւ : Անցեալ դարուն կե-
սէն , այսինքն 1755 ին , որ Մայլեէ անուն
Գաղղիացի մը գիրք մը հրատարակեց որով
կուզէր ապացուցանելթէ բոլոր օդային և
երկրային կենդանիները ծովային կենդանի-
ներէ փոխակերպուելով յառաջ եկած են :
Հին առասպելական Տրիտոնները* մարդուս
նախնիք կընէր և ասանկով մարդը ձուկերէն
անրած համարիլ կուզէր :

Ցը Մայլեէի «Թէլիսմէտ» անուն գրքին
հրատարակմանէն քիչ մը ետքը Մօնակօտոս
անուն երեւելի հնագէտ Անդղիացի Լուս
մը լեզուաց ծագման վրայ շատ նկատում
ներով հետաքրքրական եղող գիրք մը հրա-
տարակեց և որուն մէջ ապացուցանելու ջառ
նաց թէ քաղաքակրթեալ մարդը ուրիշ բան

* Առասպելեալ ծովային կենդանի մը ո-
րուն կէս մէջքէն վերը մարդակերպ և սառին
մասը ձուել է :

չի բայց եթէ անտառաբնակ մարդուն (Օ-ռանկ-ութան) կատարելագործեալը (1774):

Երեւելի բնագէտն Կամառք իր «կենդաւնաբանական փիլիսոփայութիւն» անուն գրքին մէջ (1809) պնդեց թէ բոլոր կենդաւնիները ձեւափխութեան ճոմբով իրենցմէ աւելի պարզ կենդանիներէ յառաջ եկած են, իսկ մորդուս գալով, ջանաց ցուցնել թէ ինչպէս կարելի է ըստունել որ նա կաղմութեամբ ամենէն տւելի կատարեալ եղող կապիկի ցեղերուն մէկէն սերած է:

Ահա այս գաղափարս է որ այսօր ալ երեւան ելաւ իրեն նեցուել ունենալով գիտութեանց ըրած յառաջադիմութիւններէն քաղուած նոր փաստէր:

Եթէ այս գաղափարը քննելու րլանք պիտի աեմնենք որ մարդկային ազգին ծագումը այս կերպով նկատելը Անդզիոյ մէջ երեւան ելած աւելի կատարեալ և աւելի ընդհանուր վարդապետութեան մը հետեւիլ է. այս վարդապետութեան հեղինակն է Գ. Շառլը - Տարվին Անդզիացի տաղանդաւոր քնագէտը: Ուստի պէտք է որ այս վարդապետութեան վրայօք մէկ քանի խօսք ընենք կարելի եղածին չափ կարճառօտ կերպով:

Տարվին, տեսակաց գոյացման եղանակին խելամուտ ըլլալու ջանարժվ, ենթադրեց որ 'ի սկզբան միայն մէկ դործարանաւոր էսմի մը

կար զոր ինքը «նախատիպ» կանուանէ : Այս
 նախատիսլը կեցութեան պայմանաց իւր վրայ
 բանեցուցած աղդեցութեան պատճառաւ
 հետզետէ փոփոխութիւններ կրեց , և այս
 յաջորդական փոփոխութիւնները փոխաձեւ
 ութեան ճամբռվ ծնունդ տուին երկրիս վրայ
 գտնուող բռնը կենդանեաց և բռնոց տեսակը
 ներուն : Հիմա պարզ գիծերով ձեզի գաղաւ
 փար մը տամ թէ Տարվին ինչպէս կը հասկնայ
 այս փոխաձեւութիւնը : Ըստնք թէ սա կէտը
 նախնական տիպարնէ : Ժամանակ մը այս տիպ
 պարը ծնունդ տուաւ այնպիսի է ակներու
 որոնք քիչ շատ անոր կը նմանէին և իրարմէ
 ալ խիստ քիչ կը տարբերէին : Սա ճերմակ
 գիծն ալ այն հին ժամանակները կը ցուցնէ:
 Յետոյ եղաւ ժամանակ մը յորում այս է ակն
 երը իրենց կեցութեան մասնաւոր պայմանաց , կամ Տարվինի «մաքառումն վասն կենաց և բնական ընարութեան» (սիլքըն).
 ըսած բանին աղդեցութեանը տակ այս է ակները կրաեմ քիչ քիչ յատկութիւննին փոխեցին . հետզետէ մեծցող տարբերութիւններ երեւեցան , և այս տարբերութիւնները ծնունդ տուին իրարու չնմանող զատ խումբերու զորս սա երկու մին կարմիր և միւսը կապոյտ բացական (իրարմէ հեռացող) գիծերով ցոյց կուտամ ձեզ : Այս երկու երկու բորդական տիպարներն ալ նոյնպէս առաջ

ԱԵԼ կամ նուազ փոփոխութիւններ կրեցին , և իրարմէ տարբեր նոր խռոմքերու ծնունդ տուին զորս առջի գիծերէն ոկտեալ ուրիշ գիծերով կրնանք ներկայացնել : Այս գիշ ծերը հետղնետէ շատնալով և ամեն կողմ ուղղուելով , ինչպէս որ կը տեսնէք , ծառի պէս բան մը կը ձեւացնեն որուն վերջին ուստերը նախատիսլին ամենէն աւելի հեռացող է ակները կամ էտկաց խռոմքերը կը ներշացնեն :

Կը նկատէ՞ք որ , ինչպէս որ Տարվինի վարդապետութեան հրապուրիչ կողմն ալ այսէ , էակ մը շաւզի մը մէջ ինկածին պէս այլ եւս ուրիշ շաւզի մէջ չկրնար անցնիլ : Կարմիր գոյնով գծուած տիպարէն՝ միայն երկարդական , երրորդական , չորրորդական և մոքը 'ի շատէ իրենց առաջին ծնողացը նմանող տիպարներ առաջ կուդան : Հիմայ օրինակով մը մեր տեսական ծառին մէկ մասը կենդաննեաց դասաւորութեան մէջ տեսած նուս հետ բազդիտենք :

Ողնայարաւոր կենդաննեաց ընդհանուր տիպարէն ծնունդ առին երկրորդական չորս տիպարները որոնք են ձուկերը , զեւունները : Եռչունները և ողջ ծնող ու ծիծ ուստող կենդանիները (mammifere) , ինչպէս որ սամեծ սատէն ելած են երկրորդական չորս սատերը : Ուստի ինչպէս որ այս սատերուն իւ-

քաքանչիւրը իրեն յատուկ աւելի քարակ ստոերն ունի որոնք դարձեալ ճիւղերու ստորաբաժնուած են : սոյնալէս ալ այն կենդանեաց դասերուն իւրաքանչիւրը , որոնց առնուններն ըստ ձեզ , իրեն մասնաւոր տիւղարներն ունի որոնք երբէք չեն կրնար մօտի դասերուն մէկն անցնիլ : Ըստ Տարվինի վարդապետութեան ոչ ձուկէմը թուշուն կըրնայ յառաջ գալ և ոչ թուշունէ մը ձուկ :

Որչափ որ այս գաղափարաց մժութիւնը դժագրութեամբ լուսաւորել փորձեցի թերեւս ձեր մէջն ոմանք չկրցան աղէկ ըմբըռնել զանոնք : Ուստի պիտի ջանամ դիւրիմանալի ընել ձեզ այս գաղափարները կոչտ բայց միտքս աղէկ հասկցնող նմանութեամբ մը :

Բազմարուեստեան այն մեծ դպրոցը որ Գաղղիոյ վառաց մէկն է , ամենուդ ալ ծանօթ է : Գիտէք արդէն որ աշակերտք քըննութենէ մը ետեւ վարժարանէ մը ենելով այս դպրոցս կը մտնեն , հոն գիտութեանց վրայօք ընդհանուր գաղափարներ կ'աւանդուին աշակերտաց : Ասոնց միտքը մի և եթ դրօշմ կընդունի , և կը զարդանայ , անհատական կարողութիւնները երեւան կուտան . բայց բոլոր աշակերտք , միահողոյն նկատուելով , հաւասար և միակերպ դաստիարակութիւն մը առած են : Այս դպրոցէն դուրս ելած ատեննին ի՞նչ կը սրստա-

հի՞ : Ումանք զինւորական ասսլարէզներու .
ումանք քաղաքային ասսլարէզներու . մէջ կը
մտնեն . և անգամ այս ասսլարէզներուն մէջ
մտնելնեն ետեւ որչափ յառաջադիմութիւն-
ներ ընեն , այնչափ իրարմէ հետզհետէ կը
տարբերին :

Մնաց որ ասոնք իրենց մտած շաւդէն
դուրս չեն ելներ , և որչափ ալ ջանան չեն
կրնար մէկ շաւդէն միւսին մէջ անցնիլ : Մէցի
զինւորական դպրոցէն ելնող աշակերտ մը
շիրնար մրցիլ կամուրջներու և ճամբաներու
շինութեան դպրոցին կամ հանքարանական
դպրոցին խւր վաղեմի աշակերտակցածը հետք
Աղյնակէս ալ ուրածիդ զօրաց պաշտօնակալ մը
և զինւորական ճարտարապետ մը Մէցի դպրո-
ցէն ելնելէն ետեւ իրենց յատուկ պաշտօնը
կը վարեն : Եթէ հարկ ըլլայ առաջինը կրնայ
քաղաքային ճարտարապետներու դօրծը տես-
նել , ճամբաներ դժել : և կամուրջ շինել սա-
կայն երբէք չկրնար ճարտարապետաց գլուխ
ըլլալ : Բազմարուեստեան դպրոցի աշակերտ
մը ծովային զինւորութեան մէջ մտնելով
քարձրագոյն աստիճաններու կրնայ հասնիլ
կրնայ ծովապետ մը ըլլալ բայց երբէք չկըր-
նար Գաղղիոյ մարաջախտ ըլլալ :

Ուստի ինչպէս որ բաղմարուեստեան դըպ-
րոցին աշակերտները այլ և այլ գիտութեանց
մէջ մի օրինակ հրահանգուելով նոյն դըպ-

բոցէն ելնելին յետոյ քաղաքային և զինուո՞
րական զանազան ասպարէզներու մէջ կը մըսա-
նեն և հետզհետէ յառաջադիմութիւններ
ընելով իրարմէ կը տարբերին , սոյնպէս ալ
ըստ Տարվինի գաղափարաց , կենդանինե-
րը և բուսականները մէկ նախատիպէ յա-
ռաջ գալով հետզհետէ զարգայեր և զանա-
զան յատկութիւններ ստանալով իրարմէ ու-
րոշուեր և հեռացեր են : Ահա այս մեկնու-
թեանց միայն յարելովէ որ մարդուս միաքը
Տարվինի գաղափարներէն համոզուելու կը
հրապուրուի , վասն զի այս գաղափարներով
կը մեկնուին բնագիտական բազում խնդիր-
ներ , մանաւանդ տիպարաց յարաբերու-
թիւնները , (Էակաց) խումբերուն անջատո-
ղական յատկութիւնները , զանոնք (խում-
բերը) իրարու հետ կապող միջնական տի-
պարները . ևա :

Յէսլէտ կ'ընդունիմ որ սոյն բազմահմուտ
Անգղիացւոյն վարդապէտութիւնը բազմա-
թիւ իրողութեանց բացատրութեան մասին
գիւրութիւններ կ'ընծայէ մեզ սակայն պար-
տաւորեալ եմ այս վարդապէտութիւնը
մերժելու , վասն զի ուրիշ իրողութիւններ
կան որոնց հետ չհամաձայնիր նա , մանա-
ւանդ , վասն զի այս վարդապէտութիւնը
անհամաձայն կը գտնուի այն բնախօսական
օրինաց հետ որոնց վրայօք խօսեցայ ձեզ

մարդկային պատմութեան վերաբերեալ մեր
առաջին դասին մէջ :

Սակայն, ըստ որում Տարվինի վարդա
պետութեան յենթվ հաստատել ուզողներ
եղան այն կարծիքը թէ մարդս կապիկէն
սերեալէ, տեսնենք թէ այս կարծեցեալ մեռ
բումը (filiation) որչափ կը համաձայնի սոյն
վարդապետութեան հետ որոյ մէկ հետեւու
թիւնը կը ցուցնի այս սերումը :

Տարվինի գաղափարներէն՝ մարդս կառ
պիկէն սերեցնառը վարդապետութիւն մը տրա
բանական եղանակաւ հանելը կարելի ըլլա
լու համար, պէտք էր որ մարդկացին տիպա
րին կապիկական տիպարէն յառաջ գալը կա
րելի բան ըլլար, սէտք էր որ առաջինը
երկրորդին կատարելադործեալն ըլլար իրօք
թւստի որչափ որ մարդուս և կապիկին
իրարու հետ ունեցած կոշտ և երեւութական
նմանութեանը պատճառաւ խիստ շատ ժամ
մանակէ 'ի վեր կ'ըստի թէ կապիկը մար
դուս «քառիքաթուռան» է, սակայն այս եր
կուքին ալ գործարանաւորութիւնը գիտնա
կանապէս քննուելով տեսնուած է որ հիմ
նական տարբերութիւններ կան այս երկու
դործարանաւորութեանց մէջ: Մարդս 'ի բնէ
կանգուն և երկու սաքի վրայ կը քալէ, և
քալած ատենն ալ իւր թեւերը և ձեռքերը
կատարեալ աղատութեամբ կը դործածէ:

իսկ կապիկը՝ ՚ի բնէ մագլող կենդանի մագլող և իւր չորս անդամները կը գործածէ մագլուշու համար։ Մարդը շարժող բոլոր մասերը այսինքն ոտքերը, սրունքները, ազդրերը, ողնայարը և ասոնց հետ կապակցող բոլոր մկանունքը այնպիսի ձեւեր առած են որոնցմով նա երկոտն և կանգուն քալող կենդանի մը եղած է։ Իսկ կապիկին բոլոր այս մասերը այնպէս յարդարուած են որ՝ ՚ի բնէ մագլող անսասուն մը կըլլայ։ անոր վերին անդամներն անդամ իրենցմէ կախում ունեցող բոլոր մասունքներովը այս նպատակին ծառայելու յատկացած են։

Արդ, երկու ոտքի վրայ կանգուն քաղը և մագլողը երկու զատ տիպարներ են։ մին միւսէն յառաջ եկած է ըսելը Տարվինի վարդապետութեան բոլորովին հակառակ է։

Դիւրութեամբ ձեռք անցած մանր կապիկներու վրայ եղած զննութիւններով, մարդկային և կապկական տիպարներուն մէջ եղած այս հիմնական տարբերութիւնը շատոնց ճանչցուեցաւ։ Խիստ կարեւոր բան էր ստուգել թէ մարդուս ամենէն աւելի նմանող և այս պատճառաւ մարդակերպ անուանեալ կապիկներն ալ մագլող տիպարին կը վերաբերէին արդեօք։ Ուստի մէկ քանի տարիէ ՚ի վեր զանազան տեղեր այս խնդրոյս վրայ ամենախորին հետազօտութիւններ եղան։

Այսօր ամենահեռաւոր տեղերու կենդանին
ները ձեռք անցընելը դիւրին ըլլալով , Պ.
Ոփշառ Օվըն , Անդղիացի հռչակաւոր անդա-
մազնինը կրցաւ այս նիւթիս վրայ լուրջ հե-
տազօտութիւններ ընել : Մեր մէջ (Գաղղիա)
Պ. Տիւվի անուա որ մեր մեծ ահամբաւ Գիւվիէ
բնազէտին բարեկամն և աշխատակիցն էր .
Կոռիլի մը (մարդակերպ կապիկ) կատարեալ
անդամազննութիւնն ըրաւ : Յետոյ Պ. Կռա-
սիօլէ անդամազնինը որուն վաղահաս մահ-
ուանը վրայ ամենըս ալ կը ցաւինք , և Տոք-
թոռ Ալիքս , Շիմբանզէի մը (Օռանկ - ութանի
տեսակի մը) ոչ նուազ մանրամասն անդա-
մազննութիւնը ըրին : Այս երկու անդամա-
զնիները մասնաւորապէս իրենց ուշադ-
րութեան առարկայ ըրին մեզ զբաղեցնող այս
խնդիրը : Բոլոր այս գիտունները հաստա-
տեցին որ մարդակերպ յորջորջուած կապիկ-
ներուն մարմնոյն ամեն մասերը այնպիսի
պատշաճաւորութիւն մը ունին որով ոչ թէ
քալով այլ մագլող կենդանիներ կըլլան . ա-
նանկ որ ասոնց մէջ ամենէն լաւ գործա-
րանաւորութիւն ունեցողներու վրայ ալ կապ-
կական տիպարին հիմնական յատկութիւնը
խիստ բացայացտ կերպով կը տեսնուի :

Ուստի , կապիկը , զանազան նկատմամբ
որչափ ալ կատարելագործեալ ըլլայ , բնու-
թիւնը չիտիսեր : Այս բանս Տարվինի դու-

կամփարաց հետ կը համաձայնի : Այս գաղաւն
շիրաց հաւատարիմ մնալով հանդերձ եթէ
ուզենք աւելի հեռուն երթալ , պիտի պար-
տաւորինք ըսելու թէ , եթէ երբէք պա-
տահի որ կապիկէն մարդուս հաւատար էակ
մը սերի , այս էակը մարդ չկրնա՛ը ըլլաԼ
այլ մեղի չափ մտաւոր կապիկ մը , չէ թէ
քալող այլ մագլող :

Պարոնայք , ես , որ Տարվինեան չեմ ,
թերեւս զիս ամբատանեն թէ Տարվինի վար-
դապետութիւնը կայլացնեմ և անկէ սխալ հե-
տեւութիւններ կը հանեմ : Բայց այս տարի
բաղդաւորութիւն ունեցայ Պ. Գառլ ֆոկթ-
նշանաւոր տարվինեանը տեսնելու որուն այս
խնդրոյս վրայ յայտնած գաղափարները զա-
նազան անդամներ դասախոսութեանց մէջ
իմ յայտնածներուս ճիշդ նմանն էին :

Ինքն ալ կընդունի որ Տարվինի դաղա-
փարներէն սա վարդապետութիւնը կրնայ
քղսիլ թէ մարդը և կապիկը մի և նոյն ար-
մատէն ծագում առած են , բայց յետոյ այս
երկու տիպարները իրարմէ հետզհետէ հե-
ռացեր , և ամենաստորին կարգի կապիկնե-
րուն կամ ուխթիթի (ouistiti) ըսուած կամ-
կական ցեղին յերեւան դալէն առաջ որու-
շակի կերպով իրարմէ զատուեր են : Այս
կարծիքը , զոր իմ պատուարժան ընկերա-
կիցս մասնաւոր գրուածի մը մէջ յայտնած

է , և որ մարդաբանից կաճառի մը մէջ այնկատողութեան առնուած է , կրկին զօրութիւն ունի : Պ. Ֆօկիթ , թէպէտ Տարվինեանք բայց իրրեւ խորին կենդանաբան մը և անդամագնին մը , կը խոստովանի թէ մարդիկ չեն կրնար կապիկներէ սերիլ :

Թողութիւն ըրէք ինձ որ այս խնդրոյս վրայ քիչ մը աւելի խօսիմ և ցուցնեմ ձեզ թէ այս մասին եղած բոլոր հետազոտութիւնները մի և նոյն եղբակացութեանց կառաջնորդեն :

Չափահաս մարդուն և կապիկին մարմական ամբողջութեանը վրայ արդէն իիստ սուշ տեսութիւնն մը ըրինք : Հիմա դանոնք իրենց զարգացման ժամանակին մէջ դիտենք և տեսնենք թէ , իրենց մօրը արգանդին մէջ դտնուած ատեն , ասոնց իւրաքանչիւրին ուղեղին մէջ ի՞նչ կը պատահի : Հարկ չկայ ըսելու թէ այս զննութիւնը մեծ կարեւուրութիւն ունի : Ուղեղին՝ թէ մարդուս և թէ կապիկին ամենակարեւոր դործարանն ըլլալը , մանաւանդ ներկայ խնդրոյս նկատումամբ , անժխտեցի է : Խմացականութեան կամ քնազանդման արդիւնքն ըլլալու երեւոյթ ունեցող իրի մը կայանը հոն է : Այս պատճառաւ ուղեղին ցոյց տուած դաշնազան յատկութեանց արժէքը իիստ բարձր է բոլոր դիտնակաց համար : Հիմա տեսնենք

թէ կապիկին և մարդուս ուղեղին զարգացումը ինչ կերպով տեղի կունենայ : Այս մասին , հակիրճ բանիւք , կրնամ գլուխոր իրողութիւն մը ցուցնել ձեզ :

Տուփի ձեւով ուկորէ ամանին մէջ պատրունակուած ամրողը ուղեղը զանազան տեղերու մէջ բաժնուած է հոն : Հիմա այս տեղերուն միայն երկուքը դիտենք , այսինքն , վերին կամ ճակասային բլթակը և միջին կամ քնքային բլթակը : Յայտնի է որ սերունդով իրարու հետ միացած կենդանեաց մէջ այս երկու բլթակներուն զարգացման կարգը մի և նոյն ըլլալու է : Ա՛րդ այսու նկատմամբ , մարդուս և կապիկին մէջ մեծ տարբերութիւն կայ : Ի մարդն , նախ և յառաջ զարգացողը և աւելի կանուխ կատարելագործուողը վերին բլթակն է , վերջը կուգայ կողմնական կամ քնքային բլթակին զարգացումը , իսկ , ՚ի կապիկն , առաջին անգամ զարդացողը քնքայինն է , ետքը կուգայ վերին բլթակին զարդացումը , անանկ որ այս կարեւոր գործարանին յաջորդական ձեռացմանը մէջ կատարեալ ներհակութիւն կայ :

Յայտնի է որ այսպէս իրարու ներհակ կերպով զարդացող երկու էակներ չեն կըրնար իրարմէ սերած ըլլալ :

Ձեզի ցոյց տուած այս իրողութիւնս խիստ մեծ կարեւորութիւն ունի , ոչ միայն ըստ

ինքեան, այլ նաև իր հետեւութիւններավոց
Մասնաւորապէս, այս իրողութիւնս հեր-
քում մ'է այն անձանց խօսքերուն որոնք կը
պարզեն թէ մարդս կապիկէն յառաջ եկած է:
Մարդոց մէջ այնպիսի անհատներ կան ո-
րոնց գանկը խիստ փոքր է. հետեւաբար
այսպիսեաց ուղեղն ալ փոքր է: Ասկէց ի զատ
այս գործարանը որչափ փոքրի, այնչափ կը
պարզուի, և այն ատեն զայն միահողոյն և
ոչ մանրամասնաբար դիսաղներուն համար
մարդակերպ կապիկներուն ուղեղին հետ
նմանութիւն մը կը ներկայացնէ նա:

Այս նմանութենին հետեւութիւններ հա-
նեցին, և այս իրողութեանց մէջ տեսնելու
զեցին «աթ-ալիսմի» (atavisme) դէպք մը
այսինքն խիստ հեռաւոր նախնեաց յատկու-
թեանց և կերպարանաց վերերեւման դէպք
մը: Նաեւս ըստին թէ փոքրիկ ուղեղ ունե-
ցող այս անհատները որոնք փոքրագլուխ
կանուանին, մեր նախահարց՝ կապիկներուն
ընտանիքէն անջատուած ժամանակ ունե-
ցած ուղեղնուն ձեւը կը ներկայացնեն դիս-
ուածաբար:

Արդ, մարդուս և կապիկին զարդաց-
ման եղանակին և կարգին վրայօք Պ. կռաւ
սիօլէի ըրած հետազոտութիւնները ցուցցին
թէ այս կարծեցեալ նմանութիւնը բոլորու
ըլլին անգոյ բան մ'է: Քննչակառակն եթէ:

թառահի որ մարդուս ուղեղը չկարենայ զարքանալ, իւր զարդացման եղանակին տարբերութեան պատճառաւն խոկ, աւելի եւս կը հեռանայ կապիկին ուղեղին: Այսպիսի պարագայի մը մէջ մարդուս ուղեղը կապիկին ուղեղին աւելի փոքր և աւելի պարզ իրնայ ըլլալ երբեմն, բայց այս պատճառաւ անոր նմանած չըլլար: Միուլ բանիւ, ոյն ատենն անգամ երբ մարդս մտաց գործարաններուն անկատարութեամբը կապիկէն աւելի ստորին վիճակի մը մէջ ինկած թուի դարձեալ անասուն մը չըլլար:

Գիտեմ, Պարոնայք, որ դասախճուութեանս այս մասը ձեղի համար դժուարութիւններ կը ներկայացնէ: Թերեւս չկրցաք կատարելապէս հասկնալ ամեն ըսածներս: Սակայն, կարծեմ, սաշափու կրցտք հասկնալ թէ ո՛րչափ լուրջ, ո՛րչափ տրամարանական են այն առարկութիւնները զորս կրնանք հաւնել մարդս կապիկէն սերեցնել ուզող վարդապետութեան դէմ:

Համոզումկա աւելի կատարեալ կրնայ ըլլալ եթէ, գիտնական լուրջ և դրական աղջբիւրներու դիմելով, ուշիուշով քննելու ըլլանք այն պատճառարանութիւնները որոնց վրայ հիմնել կուղեն այս վարդապետութիւնը: Այն ատեն ալիսի զամանանք տեսնելով թէ բըշափ տնորոշութիւն և անստուգութիւն կայ:

այն իրողութեանց կամ այն բանից մեծագոյն
մասին մէջ որոնց վրայ կը յենուն դրէթէ միշտ
այս վարդապետութեան կազմակիցները։ Դը-
րէթէ միշտ արարդ կարելիութեանց վրայ կը
հիմնեն իրենց վարդապետութիւնը։ Կարելի
չէ՞ որ կըսեն մարդուս ձեռքո այս ինչ կամ
այն ինչ միանունքներուն փոխաճեւութեամբ
կասիկին ձեռքէն յառաջ եկած ըլլայ։ Կա-
րելի չէ՞ որ կասիկի մը անդադար ոտքի վրայ
կենալով, իւր ետեւի ձեռքերը բուն ոտքի
փոխաճ ըլլայ։ Կարելի չէ՞ որ դարձեալ այս
սկառածառաւ կասիկի ստացած ըլլայ սրունքի
կակուղ միաերը որոնցմէ զուրկ էք, և իւր
կուրճ ուկորները երկնցած ըլլայ. . . եւ :

Պարոնայք, եթէ մէկը այս կարելիութեանց
սահմանին մէջ մանելու ըլլայ։ չեմ դիտեր ի՞է
ո՞ւր պիտի կանգ առնու : Ամենայն ինչ կա-
րելի է՞ ի բաց առեալ այն բաները որոնք հա-
կասական են։ Հետեւարար կարելիութեանց
վրայ կարծիք հիմնելո դբական և օրոշ իրո-
ղութիւններ սլահանջող դիտութեանց սահ-
մանէն դուրս գտնուիլ է, և այս ալ վիպա-
սանական բան է ։

Կը յաւելում թէ շատ դէպքերու (cas) մէջ
այս կարծեցեալ կարելիութիւնները կատար-
եալ հակասութեան մէջ կը գտնուին այն ի-
րողութեանց հետ զորս արդի ժամանակացս
մէջ կը տեսնենք բայց այս իրողութեանց

դէմ կառարկուի թէ ա Միթէ կարելի չէ՞ որ
կին ատենի մէջ իրերը հիմակուընէ տարբեր
վիճակիւմը մէջ գտնուած ըլլան։ Պարոնայք՝
լուրջ գիտութիւնը այսպիսի փաստաբանոււ
թիւն չ'ընդունիր։ Գիտութիւնը փոփոխոււ
թիւն չ'ընդունիր ոչ երկրիս վրայ իշխող
րինաց մէջ, ոչ ալ դործարանաւոր էակաց
և անդործարանաւոր մարմնոց վերաբերեալ
բաներու մէջ։

Մինակ մէկ առարկութիւն մը կայ որուն
զօրութեանը վրայ մէկ քանի պարագաներու
միջոցաւ կը սկնդեն, անանի որ այս առար-
կութեանս աղբիւր եղող բաները մասն առ
մասն վիճաբանութեան տակ ճգուելու չափ
կարեւորութիւն ունին։ Ըսածս այն առար-
կութիւնն է որ գանկերու վրայ եղած զննու-
թենէ հանուեցաւ։ այս գանկերը առաւել
կամ նուազ խորութեամբ գեանին տակէն
գտնուեցան, և վրանին փոքր ինչ բացառիկ
յատկութիւններ տեսնուեցան։ Այս գան-
կերը ճշգութեամբ նկարագրուեցան, ասոնց
յատկութեանց կարեւորութիւններ տրուե-
ցաւ, և ջանացուեցաւ հաստատել թէ այս
բացառիկ յատկութիւնները մարդկային դան-
կին և կապիկներուն գանկին մէջ՝ տեղի ու-
նեցած փոխանցումը կը ցուցնեն։

Նրնամ ցուցնել ձեզ այն գանկերէն մէ-
կուն օրինակը որուն վրայ ամենէ աւելի պըն-

գուեցաւ : և որ Նանտէրթհալի դանկ անուամբ հանրածանօթ եղաւ : Այս դանկը 1857 ին Տիւսէ լոօրֆի շրջակայից մէջ գտնուեցաւ : Ասիկայ մարդկային գանկերուն մեծ մասէն կը տարբերի յօնական կամարին խիստ շատ դուրս ելած ըլլալով : Այս դանկը կ'որոշվի նաեւ ուրիշ գանկերէ իւր քիչ բարձրութեամբը , երկայնութեամբը , և ուրիշ մէկ քանի մասնաւորութիւններով զորս խիստ երկար կը լսայ նկարադրել : Նա մանաւանդ գանկին ընդհանուր ձեւէն և երկու յօնական այտուցներուն դոյութենէն առնելովէ որ համարձակեցան ոմանք ըսելու թէ այս դանկը մարդակերպ կապիկներուն և մանաւանդ Օռանկ - ութաններուն գանկին կը մօտենար : Պարոնայք, կրնաք մօտենալ հիմայ և անձամբ բազդատել Նանտէրթհալի դանկը սա Օռանկ - ութանի և կոռիլի գանկերուն հետ : Զեր գանուած հեռաւորութենէն անգամ կրնաք տեսնել թէ մարդու դվարյն և անասնոց դվարյն մէջ ահազին տարբերութիւն մը կայ գանկին մեծութեան , հետեւաբար ուղեղին մեծութեան կողմանէ : Այս գանկը կրու անձը երբէք ունեցած չէ այնպիսի ուղեղ մը որ նմանի այն անասունին ուղեղին որուն դրուխը ձեռքս է հիմա :

Կան ուրիշ մէկ քանի կէտեր ալ որոնց վրայ ալէտք է որ խօսիմ : Այս Նանտէրթ-

հալի գանկին չափազանց հնութիւն մը ընծայեցին : Ըսին թէ ասիկա գտնուած գանկերուն ամենէն հիննէ : Այս ալ բռնուելու խօսք մը չէ : Ըսին նաեւս թէ բնաւ ուրիշ գանկի չի նմանիր այս գանկը : Այս խօսքն ալ սխալէ և լրնանք դիւրութեամբ ցոյց տալ այս սխալը :

Գալով այս հոչակառոր գլխոյն հնութեանը , այս գլուխը վառի մը եղերքը բարձաւանդակի մը վրայ դտնուող քարայրի մը մէջ դտնուեցաւ , և այն քարայրը չունիր այնպիսի նշաններ որոնց միջոցաւ կարելի բլարիւր հնութեան քանի տարուան բլար ճշդիւ խմանալ : Անանկ որ բոլորսվան անտեղի ենթադրութիւն մը եղաւ կըլայ ըսելը թէ այս գանկը տեկի հիմնէ այն մարդոցմէ որոնց վրայօք մեր նախընթաց դատուն մէջ խօսեցանք . կամ թէ սոյնսկս անտեղի ենթադրութիւն մէ ըսել թէ այս դանկին գոյութիւնը Գաղղայոյ մէջ քարէ զէնքերով անգեղջիւրներու և գիտերու հետ կտուող մարդոց գոյութիւնէն տուածէ : Նկատեցի,ք նաեւ որ Պ. Լայրլ Անդ դիացի երեւելի երկրաբանը որ մարդուս հնութիւնը ապացուցանելու համար գիրք մը հրատարակեց , այս գանկին հնութեանը վրայ տարակուստներուն առաջինը եղաւ : Քարձեալ կըսեմ որ կարելի չէ այս գանկին տարիքը ճշդիւ գիտնալ իւր գըտա-

նուած քարայրը զննելով . և այն քարայրը
շունի այնպիսի նշաններ որոնցմավակարելի
ըլլայ աւելի հին համարել զայն այն տեղեն
ուր գտնուեցան Օռինեաքի կամ Մուլեն-Գին
եօնի ոսկերտիքը :

Ինչ որ ալ ըլլայ դարձետլ սխալեցան այն
անձիքը որոնք ըսին թէ այն գանկը բնաւ
ուրիշ գանկի չնմանիր : Նանակէրթհալի դան
կին պատկերները և կաղապարները երբ Անդ
դիոյ մէջ տարածուեցան , խկոյն Անդդիացի
մարդութանք , մանաւանդ մարդուս հնու-
թեան յոյժ կողմակից եղող մարդութանք ,
չվարանեցան ըսելու թէ իրենք ալ այն գան-
կին շատ նմանող գանկեր գտեր էին իրենց
երկրին մէջ : Յետոյ ասլացուեցաւ թէ
անոր ձեւը կեղուական գանկին ձեւն էր :

Այն գանկին ճակատային այտուցներուն ,
անոր տափարակութեանը , և երկայնութեանը
նոյելով պիութելո անտեղի է : Ահաւասիկ ցուցը
նեմ ձեղ միեւնոյն նշանները ունեցող անկէ
աւելի փոքր դշուխ մէլ : Կրնաք տեսնելնաեւ
որ ասոր ճակատային այտուցները 'ի կեդրոն
միանալով Նանակէրթհալի գանկին այտուց-
ներէն աւելի կը նմանին Օռանկութանի ճա-
կատային այտուցներուն , սակայն այս դշուխը
մէկ քանի տարի առաջ Բարիկի հիւանդա-
նոցներէն մէկուն մէջ մեռնող ասլուշի մը
պլուխն է :

Ա երջապէս : Պարոնակը , կարելի եղաւ
ռուրիշ առացոյցներ ալ ունենալ : Նանտէրթ-
հալի գանկին տէրը , տոքթոռ Ֆիւհրօթ :
այն գանկին ներքին կողմը կազապարել
տուաւ , և ահաւասիկ այն կազապարին մէկ
օրինակը : Ուստի դիւրութեամբ կը տեսնուի
որ այն ուղեղը որոյ մէկ անկատար օրինակը
ունինք հոս անշուշտ վայրենի ցեզի մը վերա-
բերող մարտու մը ուղեղն է : և որ այսու հանո-
ղերձիրապէս մարդկային յառկանիշերն ունի :

Ուրիշ փարծ ալ ընող եղաւ : Պ. Տուխնէր
Պէյ , որաւն սյո խնդիրներուն վրայօք ըրած
հետազօտութիւնները մեծ կարեւորութիւն
ունին , Բօաթույի մէկ գերեզմանական հո-
գակոյտին մէջէն առնուած գանկի մը ներ-
քին կողմը կազապարեց : և ցոյց տուաւ որ
անշուշտ կեղտական սերունդէ եղող անհա-
տի մը վրայ առնուած այս կազապարը կա-
տարելապէս կը յարմարէր Նանտէրթհալի
գանկին ներքին կողման : Ուստի կեղտաց-
ւոյն և Նանտէրթհալի մարդուն գլուխները
միայն արտաքին ձեւով չէ որ իրարու կը
նմանին , այլ նաեւ ուղեղով :

Կարծեմթէ ապացուցումը կատարեալէ , և
այն կարծեցեալ կապկանման (pithecoïde) գան-
կին համար չենք վարանիր ըսկըս որ մարդ-
կային գանկ մ է , և որ աւելին է կեղտա-
կան գանկ մը : Յօնական կամարներուն վրայ

եղած շափաղանցարանութիւնը ամենեւին առ
ռարկութիւն մը չիրնար ըլլտլ այս եղրա
կացութեանը դէմ վասն զի այս իրողութիւնը
ինչպէս որ ցոյց տուի ձեզ հիմոյ և ինչպէս
որ մարդաբանական կաճառին մէջ ալ ասոր
օրինակները մէջ բերուեցան , նոր ատեններս
ալ կը պատահի :

Վերջապէս յաջորդական վորխաճեւութեան
ճամբով մարդը կապիկին սերեցնուլ կարծիքը
բնաւ որոշ իրալութեան մը վրայ շհաստատ
ուած մտացածին քան մ'է և այս կարծեաց
հետեւողները իսկոտ շատ պարագաներու մէջ
կարելիութեանց կը դիմեն և շատ անգամ
այն կարելիութիւնները բոլըրովին հակառակ
են իրողութեանց :

Չեմ վարանիր ըսելու որ այս կարծիքը ամեն
նկատումներով անպաշտպանելի է , մանաւանդ
բացարձակ հակասութեան մէջ կը դտնուի
Տարվինի վարդապետութեան հետ որուն վրայ
ընդ հակառակն կը կարծիքն հաստատել զայն,

Այս խնդրոյն վրայ անոր համար երկար
խօսեցայ որ անոր վրայ շատ տեսակ քաներ
բառեցաւ : Կապիկը մեղի նախնիք ընելու դա
զափարը հրատուրիչ եղաւ , վասն զի այս դա
զափարը անձանց ուսանց համար նոր քան մ'էր,
թէպէտ արդէն հիմն է նաև . հրապուրիչ եղաւ
վասն զի այս դազափարը տեսակ մը խորհելու
ազատութիւն կ'ենթագրէ : Ահա այս պատճա-

ռաւ է որ, սանկ ըսե՞նք, ժողովրդական է զաւնա, և հաւանական է որ դուք ալ զանազան անդամներ անոր վրայ խօսուիլը լածէք: Այս գաղափարիս ստացած հանրածանօթութեան մէկ ուրիշ պատճառն ալ սա է որ յանուն փիլիսոփայութեան պաշտպանուեցաւ, և յանուն աստուածաբանութեան յարձակումներ կրեց: Հետեւաբար վասն զի հակառակամօսութեանց այն մեծ հոսանքին մէջ մտաւ որ խիստ շատ անդամ լուրջ մտքերն իսկ դուրս հանած է այն սահմանէն զոր երթէք ձգելու չէին:

Մեզ համար խօսելով, Պարոնայք, մեզ ոչ աստուածաբան և ոչ ալ փիլիսոփայ ըլլալու պահանջումը չունինք: Մեք մասնաւորապէս գիտութեանց հետեւող անձեր ենք. մեր բնտածքը միայն գիտնական ճշմարտութիւնն է: Յանուն այս ճշմարտութեան է որ պարտաւորեցայ ընդունիլ այն անկարողութիւնը որուն մէջ գիտութիւնը գեռ գտնուելը չկրնար մարդուս ուսկից յառաջ եկած ըլլալը մեզ ըսել. բայց սոյն այս ճշմարտութեան անուամբ կրնամ հաստատել թէ մեր նախնիքը ոչ կոտիլ մը եղած է. ոչ Օռանկ - ութան մը, ոչ շնիրանդէ մը, սոյնալիս և ոչ փոկ մը կամ ձուկ մը, և ոչ ուրիշ որ և է անասուն մը:

111 60 фр

